

Божественная литургия  
святителя Иоанна Златоуста  
*Литургия оглашенных (Литургия Слова)*

*Диакон:*

Благослови, владыко.

*Священник:*

Благословено Царство Отца, и Сына, и Святаго  
Духа, ныне и присно, и во веки веков.

*Хор:*

Аминь.

**ВЕЛИКАЯ (МИРНАЯ) ЕКТЕНИЯ**

*Диакон:*

Миром (*т. е. в мире*) Господу помолимся.

*Хор:*

Господи, помилуй (*после каждого прошения*).

О свышнем мире и спасении душ наших Господу  
помолимся.

О мире всего мира, благостоянии святых Божи-  
их церквей и соединении всех Господу помо-  
лимся.

О святем храме сем и с верою, благоговением  
и страхом Божиим входящих в онь Господу по-  
молимся.

О великом господине и отце нашем, святейшем  
Патриархе [имя], и о господине нашем высо-

- копреосвященнейшем митрополите [имя],  
честнем пресвитерстве, во Христе диаконстве,  
о всем причте и людех Господу помолимся.
- О богохранимем стране нашей, властех и воин-  
стве ея Господу помолимся.
- О граде сем, всяком граде, стране и верою живу-  
щих в них Господу помолимся.
- О благорастворении воздухов, о изобилии плодов  
земных и временех мирных Господу помо-  
лимся.
- О плавающих, путешествующих, недугующих,  
страждущих, плененных и о спасении их Го-  
споду помолимся.
- О избавитися нам от всякия скорби, гнева и нуж-  
ды Господу помолимся.
- Заступи, спаси, помилуй и сохрани нас, Боже,  
Твоею благодатию.
- Пресвятую, пречистую, преблагословенную, слав-  
ную Владычицу нашу Богородицу и Присноде-  
ву Марию со всеми святыми помянувшие, сами  
себе, и друг друга, и весь живот наш Христу  
Богу предадим.

*Хор:*

Тебе, Господи.

*Священник:*

Господи Боже наш, Егоже держава несказанна  
и слава непостижима, Егоже милость без-  
мерна и человеколюбие неизреченно! Сам,  
Владыко, по благоутробию Твоему, призри  
на ны и на святыи храм сей и сотвори с нами  
и молящимися с нами богатыя милости Твоя  
и щедроты Твоя.

*Возглас:*

Яко подобает Тебе всякая слава, честь и поклонение, Отцу, и Сыну, и Святому Духу, ныне и присно, и во веки веков.

*Хор:*

Аминь.

### 1-Й АНТИФОН (ПСАЛОМ 102)

*В великие (Двунадесятые) праздники в качестве антифонов поются другие псалмы.*

*Хор:*

Благослови, душе моя, Господа, благословен еси, Господи. Благослови, душе моя, Господа, и вся внутренняя моя Имя святое Его. Благослови, душе моя, Господа и не забывай всех воздаяний Его. Очищающего вся беззакония твоя, исцеляющего вся недуги твоя. Избавляющего от истления живот твой, венчающего тя милостию и щедротами. Исполняющего во благих желание твое, обновится, яко орля, юность твоя. <...> Щедр и милостив Господь, долготерпелив и многомилостив. <...> Благослови, душе моя, Господа, и вся внутренняя моя Имя святое Его. Благословен еси, Господи.

### МАЛАЯ ЕКТЕНИЯ

*Диакон:*

Паки и паки миром Господу помолимся.

*Хор:*

Господи, помилуй.

*Диакон:*

Заступи, спаси, помилуй и сохрани нас, Боже,  
Твоею благодатию.

*Хор:*

Господи, помилуй.

*Диакон:*

Пресвятую, пречистую, преблагословенную,  
славную Владычицу нашу Богородицу и При-  
снодеву Марию со всеми святыми помянувшие,  
сами себе, и друг друга, и весь живот наш Хри-  
сту Богу предадим.

*Хор:*

Тебе, Господи.

*Священник:*

Господи Боже наш, спаси люди Твоя и благо-  
слови достояние Твое, исполнение Церкви  
Твоя сохрани, освяти любящая благолепие  
дому Твоего. Ты тех воспрослави божественною  
Твоею силою и не остави нас, уповающих на Тя.

*Возглас:*

Яко Твоя держава и Твое есть царство, и сила,  
и слава, Отца, и Сына, и Святаго Духа, ныне  
и присно, и во веки веков.

*Хор:*

Аминь.

## **2-й АНТИФОН (ПСАЛОМ 145)**

*Хор:*

Хвали, душе моя, Господа. Восхваляю Господа  
в животе моем, пою Богу моему, дондеже есмь.  
Не надейтесь на князи, на сыны человече-

ския, в нихже несть спасения. Изыдет дух его, и возвратится в землю свою; в той день погибнут вся помышления его. Блажен, ему же Бог Иаковль помощник его, упование его на Господа Бога своего, сотворшаго небо и землю, море и вся яже в них, хранящаго истину в век, творящаго суд обидимым, дающаго пищу алчущим. Господь решит окованныя, Господь умудряет слепцы. Господь возводит низверженныя, Господь любит праведники. Господь хранит пришельцы, сира и вдову примет, и путь грешных погубит. Воцарится Господь во век. Бог твой, Сионе, в род и род. Слава Отцу, и Сыну, и Святому Духу, и ныне и присно, и во веки веков. Аминь.

### ГИМН ХРИСТУ, СЫНУ БОЖИЮ

Единородный Сыне и Слове Божий, бессмертен сый и изволивый спасения нашего ради воплотитися от Святыя Богородицы и Приснодевы Марии, непреложно вочеловечивыйся, распныйся же, Христе Боже, смертью смертью поправый, Един Сый Святыя Троицы, прославляемый Отцу и Святому Духу, спаси нас.

*Единородный Сын и Слово Божие! Бессмертный и благоволивший ради нашего спасения воплотиться от Святой Богородицы и Приснодевы Марии, неизменно вочеловечившийся и распятый, Христе Боже, смертью смертью поправший, один из Святой Троицы, прославляемый со Отцом и Святым Духом, спаси нас!*

## МАЛАЯ ЕКТЕНИЯ

*Диакон:*

Паки и паки... (см. стр. 49)

*Священник:*

Иже общия сия и согласныя даровавый нам молитвы, иже и двема или трем, согласующимся о имени Твоем, прошения подати обещаый, Сам и ныне раб Твоих прошения к полезному исполни, подая нам и в настоящем веце познание Твоея истины, и в будущем живот вечный даруя.

*Возглас:*

Яко благ и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

*Хор:*

Аминь.

## 3-й АНТИФОН (ЗАПОВЕДИ БЛАЖЕНСТВА; МФ 5:3-12)

*Хор:*

Во Царствии Твоем помяни нас, Господи, егда приидеши во Царствии Твоем.

Блажени нищии духом, яко тех есть Царство Небесное.

Блажени плачущии, яко тии утешатся.

Блажени кротции, яко тии наследят землю.

Блажени алчущии и жаждущии правды, яко тии насытятся.

Блажени милостивии, яко тии помиловани будут.

Блажени чистии сердцем, яко тии Бога узрят.  
Блажени миротворцы, яко тии сынове Божии  
нарекуются.

Блажени изгнани правды ради, яко тех есть  
Царство Небесное.

Блажени есте, егда поносят вам, и ижденут,  
и рекут всяк зол глагол на вы лжуще, Мене ради.  
Радуйтесе и веселитесе, яко мзда ваша многа  
на небесех.

### МАЛЫЙ ВХОД (С ЕВАНГЕЛИЕМ)

Священники и диаконы с Евангелием исходят из алтаря  
в преднесении свечи (свечей).

Священник читает по ходу шествия:

Владыко Господи Боже наш, уставивый на не-  
бесех чины и воинства Ангел и Архангел в слу-  
жение Твоя славы, сотвори со входом нашим  
входу святых Ангелов быти, сослужащих нам  
и сославословящих Твою благодать. Яко подоба-  
ет Тебе всякая слава, честь и поклонение, Отцу,  
и Сыну, и Святому Духу, ныне и присно, и во  
веки веков. Аминь.

*Став перед святыми вратами, диакон:*

Благослови, владыко, святыи вход.

*Священник:*

Благословен вход святых Твоих, всегда, ныне  
и присно, и во веки веков.

*Диакон:*

Аминь.

*Затем, став посреди святых врат, диакон:*

Премудрость! Прости! (т. е. стойте прямо, «просто»)

И кладет Евангелие на престол. Священнослужители входят в алтарь.

*Хор:*

Приидите, поклонимся и припадем ко Христу. Спаси нас, Сыне Божий, воскресый из мертвых, поющия Ти: Аллилуиа.

Если не воскресный день, то вместо фразы «воскресый из мертвых» поется другая, согласно дню недели или праздника.

### ТРОПАРИ И КОНДАКИ

Поются тропари и кондаки воскресные (если воскресенье), праздника (из Минеи или Триоди), дня и храма.

### МОЛИТВА ТРИСВЯТОГО

*Священник (во время или после пения тропарей и кондаков):*

Боже Святыи, Иже во святых почиваяи, Иже Трисвятым гласом от Серафимов воспеваемый и от Херувимов славословимый, и от всякия Небесныя Силы покланяемый; Иже от небытия во еже быти приведый всяческая, создавый человека по образу Твоему и по подобию и всяким Твоим дарованием украсивый; даый просящему премудрость и разум и не презираый согрешающаго, но полагаый на спасение покаяние; сподобивый нас, смиренных и недостойных раб Твоих, и в час сей стати пред славою Святаго Твоего Жертвенника и должное Тебе поклонение и славословие приносить. Сам, Владыко, приими и от уст нас, грешных, Три-



святую песнь и посети ны благостию Твоею. Прости нам всякое согрешение, вольное же и невольное; освяти наша души и телеса и даждь нам в преподобии служити Тебе вся дни живота нашего, молитвами Святыя Богородицы и всех святых, от века Тебе благоугодивших.

*Возглас:*

Яко свят еси, Боже наш, и Тебе славу возсылаем, Отцу, и Сыну, и Святому Духу, ныне и присно.

*Диакон:*

Господи, спаси благочестивыя и услыши ны.

*Хор:*

Господи, спаси благочестивыя и услыши ны.

*Диакон:*

И во веки веков.

*Хор:*

Аминь.

## ТРИСВЯТОЕ

*Хор:*

Святой Боже, Святой Крепкий, Святой Безсмертный, помилуй нас (*трижды*).

Слава Отцу, и Сыну, и Святому Духу, и ныне и присно, и во веки веков. Аминь.

Святой Безсмертный, помилуй нас.

Святой Боже, Святой Крепкий, Святой Безсмертный, помилуй нас.

*В Великую субботу, день Святой Пасхи и во всю Светлую седмицу, а также в праздники Рождества Христова,*

Крещения Господня, Пятидесятницы и в Лазареву субботу вместо Трисвятого поется крещальный гимн:

Елицы во Христа крестистесь, во Христа облекóсье.

*Все вы, во Христа крестившиеся, во Христа облеклись.*

(Гал 3:27)

В праздник Воздвижения Креста Господня, Крестопоклонную неделю и праздник Изнесения Честных Древ Креста Господня вместо Трисвятого поется:

Кресту Твоему поклоняемся, Владыко, и святое воскресение Твое славим.

*Диакон:*

Вонмем.

*Священник:*

Мир всем.

*Чтец:*

И духови твоему.

*Диакон:*

Премудрость.

## **ПРОКИМЕН**

Чтец и хор читают и поют прокимен воскресный во глас Октоиха (если воскресенье) или дня или праздника.

### **ВОСКРЕСНЫЕ ПРОКИМНЫ НА ЛИТУРГИИ**

#### **ГЛАС 1**

Буди, Господи, милость Твоя на нас, / якоже уповахом на Тя.

*Стих:*

Радуйтесь, праведнии, о Господе, правым подобает похвала. (Пс 32:22, 1)

ГЛАС 2

Крепость моя и пение мое Господь, / и бысть мне во спасение.

Стих:

Наказуя наказа мя Господь, смерти же не предаде мя. (Пс 117:14, 18)

ГЛАС 3

Пойте Богу нашему, пойте, / пойте Цареву нашему, пойте.

Стих:

Вси языцы, воспещите руками, воскликните Богу гласом радования.

(Пс 46:7, 2)

ГЛАС 4

Яко возвеличишася дела Твоя, Господи, / вся премудростию сотворил еси.

Стих:

Благослови, душе моя, Господа, Господи Боже мой, возвеличился еси зело. (Пс 103:24, 1)

ГЛАС 5

Ты, Господи, сохраниши ны и соблюдеши ны / от рода сего и во век.

Стих:

Спаси мя, Господи, яко оскуде преподобный.

(Пс 11:8, 2)

ГЛАС 6

Спаси, Господи, люди Твоя / и благослови достояние Твое.

Стих:

К Тебе, Господи, воззову, Боже мой, да не премолчиши от мене. (Пс 27:9, 1)

ГЛАС 7

Господь крепость людем Своим даст, / Господь благословит люди Своя миром.

Стих:

Принесите Господеви, сынове Божии, принесите Господеви сыны овни. (Пс 28:11, 1)

ГЛАС 8

Помолитесь и воздадите / Господеви Богу нашему.

Стих:

Вéдом во Иудеи Бог, во Израили вéлие Имя Его.  
(Пс 75:12, 2)

## АПОСТОЛ

Диакон:

Премудрость.

Чтец:

К [римлянам, коринфянам...] послания... чтение.

Диакон:

Вонмем.

Чтец читает Апостол.

По прочтении священник чтецу:

Мир ти.

Чтец:

И духови твоему.

Диакон:

Премудрость.

## АЛЛИЛУИА

Чтец и хор поют Аллилуиа (трижды, со стихами, возглашаемыми чтецом). Диакон совершает каждение.

## МОЛИТВА ПЕРЕД ЧТЕНИЕМ ЕВАНГЕЛИЯ

Священник:

Возсияй в сердцах наших, Человеколюбче Владыко, Твоего богоразумия нетленный свет, и мысленная наша отверзи очи во евангельских твоих проповеданий разумение: вложи в нас и страх блаженных Твоих заповедей, да плотския похоти вся поправше, духовное жительство пройдем, вся, яже ко благоугождению Твоему, и мудрствующе и деюще. Ты бо еси просвещение душ и телес наших, Христе Боже, и Тебе славу возсылаем, со Безначальным Твоим Отцем и Пресвятым, и Благим, и Животворящим Твоим Духом, ныне и присно, и во веки веков. Аминь.

*Воссияй в сердцах наших, Человеколюбче Владыка, нетленным светом Твоего Богоразумия; и духовные наши очи просвети для уразумения евангельской Твоей проповеди, вложи в нас благоговейный трепет пред святыми Твоими заповедями, дабы, отвергнув все плотские похоти, проводить нам жизнь духовную, во всём благоугождая Тебе — и в помышлениях, и в деяниях.*

*Ибо Ты — просвещение душ и телес наших, Христе Боже, и Тебе славу воссылаем, со Безначальным Твоим*

Отцем и Пресвятым, и Благим, и Животворящим  
Твоим Духом, ныне и присно, и во веки веков.

## ЕВАНГЕЛИЕ

*Диакон:*

Премудрость, прѣсти (*т. е. стойте прямо, «просто»*), услышим святаго Евангелия.

*Священник:*

Мир всем.

*Хор:*

И духови твоему.

*Диакон:*

От [*имя евангелиста*] святаго Евангелия чтение.

*Хор:*

Слава Тебе, Господи, слава Тебе.

*Диакон:*

Вонмем.

**Диакон читает Евангелие.**

*По окончании чтения хор:*

Слава Тебе, Господи, слава Тебе.

## ПРОПОВЕДЬ

### СУГУБАЯ ЕКТЕНИЯ

*Диакон:*

Рцем (*т. е. скажем*) вси от всея души, и от всего помышления нашего рцем.

*Хор:*

Господи, помилуй.

Господи, Вседержителю, Боже отец наших, молим

Ти ся, услыши и помилуй.

*Хор:*

Господи, помилуй.  
Помилуй нас, Боже, по велицей милости Твоей,  
молим Ти ся, услыши и помилуй.

*Хор:*

Господи, помилуй (*трижды после каждого прошения*).

Еще молимся о великом господине и отце нашем, святейшем Патриархе [имя], и о господине нашем высокопреосвященнейшем митрополите [имя], и всей во Христе братии нашей.

Еще молимся о богохранимой стране нашей, властех и воинстве ея, да тихое и безмолвное житие поживем во всяком благочестии и чистоте.

Еще молимся о братьях наших, священниках, священномонасах и всем во Христе братстве нашем.

Еще молимся о блаженных и приснопамятных святейших патриарсах православных и создателей святого храма сего, и о всех преждепочивших отцах и братьях, zde лежащих и повсюду, православных.

Еще молимся о милости, жизни, мире, здравии, спасении, посещении, прощении и оставлении грехов рабов Божиих, братии святого храма сего.

#### **ПРОШЕНИЕ О ВОЦЕРКОВЛЯЕМЫХ**

Еще молимся о воцерковляемых братьях и сестрах наших, яко да Господь Бог примет их обращение и исповедание и, простив им вся

согрешения вольная и невольная, воссоединит их святому Своему стаду и да примет милостивно моления их и, возвратив им радость спасения, Духом Владычним утвердит их.

*Здесь могут произноситься и другие прошения о разных нуждах и потребах.*

Еще молимся о плодоносящих и добродееющих во святем и всечестнем храме сем, труждающихся, поющих и предстоящих людех, ожидающих от Тебе великия и богатыя милости.

*Священник:*

Господи Боже наш, прилежное сие моление прими от Твоих раб, и помилуй нас по множеству милости Твоея, и щедроты Твоя ниспосли на ны и на вся люди Твоя, чающия от Тебе богатыя милости.

*Возглас:*

Яко милостив и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

*Хор:*

Аминь.

## **ЕКТЕНИЯ ОБ УСОПШИХ**

*Диакон:*

Помилуй нас, Боже, по велицей милости Твоей, молим Ти ся, услыши и помилуй.

*Хор:*

Господа, помилуй (*трижды после каждого прошения*).  
Еще молимся о упокоении душ усопших рабов Божиих [имена] и о еже проститися им всякому



прегрешению, вольному же и невольному.  
Яко да Господь Бог учинит души их, идеже правед-  
нии упокоются.  
Милости Божия, Царства Небеснаго и оставления  
грехов их у Христа, безсмертнаго Царя и Бога  
нашего, просим.

*Хор:*

Подай, Господи.

*Диакон:*

Господу помолимся.

*Хор:*

Господи, помилуй.

*Священник:*

Боже духов и всякия плоти, смерть поправый,  
и диавола упразднивый, и живот миру Твоему  
даровавый: Сам, Господи, упокой души усоп-  
ших раб Твоих в месте светле, в месте злачне,  
в месте покойне, отнюду же отбеже болезнь,  
печаль и воздыхание; всякое согрешение,  
содеянное ими словом, или делом, или по-  
мышлением, яко благ и человеколюбец Бог,  
прости; яко несть человек, иже жив будет и не  
согрешит. Ты бо един кроме греха, правда Твоя  
правда во веки, и слово Твое истина.

*Возглас:*

Яко Ты еси воскресение, и живот, и покой усоп-  
ших раб Твоих [имена], Христе Боже наш, и Тебе  
славу возсылаем, со Безначальным Твоим От-  
цем и Пресвятым, и Благим, и Животворящим  
Твоим Духом, ныне и присно, и во веки веков.

*Хор:*

Аминь.

**ЕКТЕНИЯ И МОЛИТВА ОБ ОГЛАШАЕМЫХ,  
ГОТОВЯЩИХСЯ К КРЕЩЕНИЮ (ОГЛАШЕННЫХ)**

*Диакон:*

Помолитесь, оглашеннии, Господеви.

*Оглашаемые:*

Господи, помилуй.

*Диакон:*

Вернии, о оглашенных помолимся, да Господь помилует их.

*Хор:*

Господи, помилуй (*после каждого прошения*).

Огласит их словом истины.

Откроет им Евангелие правды.

Соединит их святей Своей соборней и апостольстей Церкви.

Спаси, помилуй, заступи и сохрани их, Боже, Твоею благодатию.

Оглашеннии, главы ваша Господеви приклоните.

*Оглашаемые:*

Тебе, Господи.

*Священник:*

Господи Боже наш, иже на высоких живый и на смиренныя призираяй; иже спасение роду человеческому низпославый, Единороднаго Сына Твоего и Бога, Господа нашего Иисуса Христа! Призри на рабы Твоя оглашаемые, подклоньшия Тебе своя выя, и сподоби я (*т. е. их*) во время благополучное бани пакибытия (*т. е. крещения*) оставления грехов и одежды нетления, соедини их святей Твоей соборней

и апостольстей Церкви и сопричти их избранному Твоему стаду.

*Возглас:*

Да и тии с нами славят (*т. е. чтобы и они, оглашаемые, вместе с нами славили*) Пречестное и Великолепое имя Твое, Отца, и Сына, и Святаго Духа, ныне и присно, и во веки веков.

*Хор:*

Аминь.

*Диакон:*

Елицы (*т. е. те, которые*) оглашеннии, изыдите!  
Оглашеннии, изыдите!  
Елицы оглашеннии, изыдите!

*Оглашаемые покидают храм.*

## Литургия верных

### ЕКТЕНИЯ И МОЛИТВА ВЕРНЫХ ПЕРВАЯ

Да никто от оглашенных, елицы вернии, паки и паки миром Господу помолимся.

*Хор:*

Господи, помилуй.

*Диакон:*

Заступи, спаси, помилуй и сохрани нас, Боже, Твоею благодатию.

*Хор:*

Господи, помилуй.

*Диакон:*

Премудрость.

*Священник:*

Благодарим Тя, Господи Боже сил, сподобившаго нас предстати и ныне святому Твоему жертвеннику и припасти ко щедротам Твоим о наших гресех и о людских неведениях; приими, Боже, моление наше, сотвори ны достойны быти, еже приносить Тебе моления, и мольбы, и жертвы бескровныя о всех людех Твоих; и удовли нас, ихже положил еси в службу Твою сию, силою Духа Твоего Святаго, неосужденно и непреткновенно, в чистем свидетельстве совести нашея, призывати Тя на всякое время и место, да послушая нас, милостив нам будеши во множестве Твоя благодати.

*Возглас:*

Яко подобает Тебе всякая слава, честь и поклонение, Отцу, и Сыну, и Святому Духу, и ныне и присно, и во веки веков.

*Хор:*

Аминь.

## **ЕКТЕНИЯ И МОЛИТВА ВЕРНЫХ ВТОРАЯ**

*Диакон:*

Паки и паки миром Господу помолимся.

*Хор:*

Господи, помилуй.

*Диакон:*

О свышнем мире и спасении душ наших Господу помолимся.

О мире всего мира, благостоянии святых Божиих церквей и соединении всех Господу помолимся.

О святем храме сем и с верою, благоговением и страхом Божиим входящих в онь Господу помолимся.

О избавитися нам от всякия скорби, гнева и нужды Господу помолимся.

Заступи, спаси, помилуй и сохрани нас, Боже, Твоею благодатию.

Премудрость.

*Священник:*

Паки и многажды Тебе припадаем и Тебе молимся, Благий и Человеколюбче, яко да призовев на моление наше, очистиши наша души и телеса от всякия скверны плоти и духа и

даси нам неповинное и неосужденное предстояние святаго Твоего жертвенника. Даруй же, Боже, и молящимся с нами преспеяние жития и веры и разума духовнаго: даждь им, всегда со страхом и любовью служащим Тебе, неповинно и неосужденно причастится Святых Твоих Таин и Небеснаго Твоего Царствия сподобится.

*Возглас:*

Яко да под державою Твоею всегда храними, Тебе славу возсылаем, Отцу, и Сыну, и Святому Духу, ныне и присно, и во веки веков.

*Хор:*

Аминь.

### **ХЕРУВИМСКАЯ ПЕСНЬ И ВЕЛИКИЙ ВХОД**

*Хор:*

Иже Херувимы тайнообразующе и Животворящей Троице Трисвятую песнь припевающе, всякое ныне житейское отложим попечение.

*Мы, таинственно изображая Херувимов и воспевая Трисвятую песнь Животворящей Троице, отложим ныне всякое житейское попечение...*

**Во время пения диакон совершает каждение престола, жертвенника, икон и присутствующих людей.**

*Священник же, стоя перед престолом, тихо читает молитву:*

Никтоже достоин от связавшихся плотскими похотьми и сластями приходити, или приблизитися, или служити Тебе, Царю Славы: еже бо служити Тебе велико и страшно и самем

Небесным Силам. Но обаче, неизреченнаго ради и безмернаго Твоего человеколюбия, непреложно и неизменно был еси Человек и Архиерей нам был еси, и служебныя сея и безкровныя жертвы священнодействие предал еси нам, яко Владыка всех. Ты бо един, Господи Боже наш, владычествуеши небесными и земными, иже на престоле Херувимстем Носимый, иже Серафимов Господь и Царь Израилев, иже Един Свят и во святых почиваяй. Тя убо молю, Единаго благаго и благопослушливаго: призри на мя, грешнаго и непотребнаго раба Твоего, и очисти мою душу и сердце от совести лукавыя, и удовли мя силою Святаго Твоего Духа, облечена благодатию священства, предстати святей Твоей сей Трапезе и священнодействовати Святое и Пречистое Твое Тело и Честную Кровь. К Тебе бо прихожду, приклонь мою выю, и молю Ти ся, да не отвратиши лица Твоего от мене, ниже отринеши мене от отрок Твоих, но сподоби принесенным Тебе быти, мною, грешным и недостойным рабом Твоим, даром сим.

Ты бо еси Приносяй и Приносимый, и Приемляй и Раздаваемый, Христе Боже наш, и Тебе славу возсылаем со Безначальным Твоим Отцем, и Пресвятым, и Благим, и Животворящим Твоим Духом, ныне и присно, и во веки веков. Аминь.

Священник и диакон переносят Дары (хлеб на дискосе и вино с водой в чаше) с жертвенника на престол и велегласно поминают церковную иерархию и народ.

*Диакон:*

Великаго господина и отца нашего [имя], святейшаго Патриарха Московскаго и всея Руси, и господина нашего высокопреосвященнейшаго [имя], митрополита Санкт-Петербургскаго и Ладожскаго да помянет Господь Бог во Царствии Своем всегда, ныне и присно, и во веки веков.

*Священник:*

Всех вас, православных христиан, да помянет Господь Бог во Царствии Своем всегда, ныне и присно, и во веки веков.

*Хор:*

Аминь. Яко да Царя всех подыдем, ангельскими невидимо дориносима чинми. Аллилуиа, аллилуиа, аллилуиа.

Аминь.

*И продолжение Херувимской песни:*

*... чтобы принять Царя всех, невидимо сопровождаемого ангельскими чинами. Аллилуиа, аллилуиа, аллилуиа.*

## **ПРОСИТЕЛЬНАЯ ЕКТЕНИЯ**

*Диакон:*

Исполним молитву нашу Гóсподеви.

*Хор:*

Господи, помилуй (*после каждого прошения*).

*Диакон:*

О предложенных Честных Дарех Господу помолимся.

О святем храме сем и с верою, благоговением и страхом Божиим входящих в онь Господу помолимся.



О избавитися нам от всякия скорби, гнева  
и нужды Господу помолимся.  
Заступи, спаси, помилуй и сохрани нас, Боже,  
Твоею благодатию.  
Дне всего совершенна, свята, мирна и безгрешна  
у Господа просим.

*Хор:*

Подай, Господи (*после каждого прошения*).  
Ангела мирна, верна наставника, хранителя душ  
и телес наших у Господа просим.  
Прощения и оставления грехов и прегрешений  
наших у Господа просим.  
Добрых и полезных душам нашим и мира миро-  
ви у Господа просим.  
Прочее время живота нашего в мире и покаянии  
скончати у Господа просим.  
Христианския кончины живота нашего, безболез-  
ненны, непостыдны, мирны, и добраго ответа  
на страшнем судищи Христове просим.  
Пресвятую, пречистую, преблагословенную, слав-  
ную Владычицу нашу Богородицу и Присноде-  
ву Марию со всеми святыми помянувше, сами  
себе, и друг друга, и весь живот наш Христу  
Богу предадим.

*Хор:*

Тебе, Господи.

## **МОЛИТВА ПРЕДЛОЖЕНИЯ**

*Священник:*

Господи Боже Вседержителю, Едине святе,  
приемляй жертву хваления от призывающих

Тя всем сердцем, прими и нас, грешных, моление, и принеси ко святому Твоему жертвеннику, и удовли нас приносить Тебе дары же и жертвы духовныя о наших гресех и о людских неведениях: и сподоби нас обрести благодать пред Тобою, еже быти Тебе благоприятней жертве нашей, и вселитися Духу благодати Твоея благому в нас, и на предлагающих Дарех сих, и на всех людех Твоих.

*Возглас:*

Щедротами Единороднаго Сына Твоего, с Нимже благословен еси, со Пресвятым, и Благим, и Животворящим Твоим Духом, ныне и присно, и во веки веков.

*Хор:*

Аминь.

*Священник:*

Мир всем.

*Хор:*

И духови твоему.

*Диакон:*

Возлюбим друг друга, да единомыслием исповемы...

*Хор (продолжая слова диакона):*

Отца, и Сына, и Святаго Духа, Троицу единую и нераздельную.

*Священник:*

Христос посреде нас.

*И все отвечают:*

И есть, и будет.

*Диакон:*

Двери, двери! Премудростию вонмем.

## СИМВОЛ ВЕРЫ

Верую во единого Бога Отца, Вседержителя, Творца небу и земли, видимым же всем и невидимым.

И во единого Господа Иисуса Христа, Сына Божия, Единородного, Иже от Отца рожденнаго прежде всех век: Света от Света, Бога истинна от Бога истинна, рожденна, несотворенна, единосущна Отцу, Имже вся быша. Нас ради, человек, и нашего ради спасения сшедшаго с небес, и воплотившагося от Духа Свята и Марии Девы, и вочеловечшася. Распятаго же за ны при Понтийстем Пилате, и страдавша, и погребенна. И воскресшаго в третий день, по Писанием. И возшедшаго на небеса, и сидяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, глаголавшаго пророки. Во едину Святую, Соборную и Апостольскую Церковь.

Исповедую едино крещение во оставление грехов.

Чаю воскресения мертвых и жизни будущего века. Аминь.

## ЕВХАРИСТИЧЕСКАЯ МОЛИТВА (АНАФОРА)

*Диакон:*

Станем добре, станем со страхом; вонмем, святое возношение в мире приносить.

*Хор:*

Милость мира, жертву хваления.

*Священник:*

Благодать Господа нашего Иисуса Христа,  
и любовь Бога и Отца, и причастие Святаго  
Духа буди со всеми вами.

*Хор:*

И со духом твоим.

*Священник:*

Горé имеим сердца.

*Хор:*

Ймамы ко Господу.

*Священник:*

Благодарим Господа.

*Хор:*

Достойно и праведно [есть поклоняться Отцу,  
и Сыну, и Святому Духу, Троице единосущней  
и нераздельней].

*Священник:*

Достойно и праведно Тя пети, Тя благослови-  
ти, Тя хвалити, Тя благодарити, Тебе поклоня-  
тися на всяком месте владычества Твоего. Ты  
бо еси Бог неизреченен, недоведом, невидим,  
непостижим, присно сый, такожде сый, Ты,  
и Единородный Твой Сын, и Дух Твой Святыи;  
Ты от небытия в бытие нас привел еси, и от-  
падшия восставил еси паки, и не отступил  
еси вся творя, дондеже нас на небо возвел еси,  
и Царство Твое даровал еси будущее. О сих  
всех благодарим Тя, и Единороднаго Твоего  
Сына, и Духа Твоего Святаго о всех, ихже вемы  
и ихже не вемы, явленных и неявленных

благодеевних, бывших на нас. Благодарим Тя и о службе сей, юже от рук наших прияти изволил еси, аще и предстоят Тебе тысящи Архангелов и тмы Ангелов, Херувими и Серафими шестокрилатии, многоочитии, возвышающиися пернати,

*Возглас:*

Победную песнь поюще, вопиюще, взывающе и глаголюще:

*Хор:*

Свят, свят, свят Господь Саваоф, исполнь небо и земля славы Твоея; Осанна в вышних, благословен Грядый во имя Господне, осанна в вышних.

*Священник:*

С сими и мы блаженными силами, Владыко Человеколюбче, вопием и глаголем: свят еси и пресвят Ты, и Единородный Твой Сын, и Дух Твой Святыи; свят еси и пресвят, и великолепно слава Твоя, иже мир Твой тако возлюбил еси, якоже Сына Твоего Единороднаго дати, да всяк веруай в Него не погибнет, но имать живот вечный. Иже пришед и все еже о нас смотрение исполнив, в ночь, в нуже предаешся, паче же Сам Себе предаеш за мирский живот, прием хлеб во святыя Своя, и пречистыя, и непорочныя руки, благодарив, и благословив, освятив, преломив, даде святым Своим учеником и апостолом, рек: «Приимите, ядите, сие есть Тело Мое, еже за вы ломимое во оставление грехов».

*Хор:*

Аминь.

Священник:

Подобне и чашу по вечери, глаголя:  
«Пийте от нея вси, сия есть Кровь Моя Новаго  
Завета, яже за вы и за многия изливаемая во  
оставление грехов».

Хор:

Аминь.

Священник:

Поминающе убо спасительную сию заповедь  
и вся, яже о нас бывшая: крест, гроб, трид-  
невное воскресение, на небеса восхождение,  
одесную седение, второе и славное паки  
пришествие,  
Твоя от Твоих Тебе приносяще, о всех и за  
вся,

Хор:

Тебе поем, Тебе благословим, Тебе благода-  
рим, Господи, и молим Ти ся, Боже наш.

Священник:

Еще приносим Ти словесную сию и бескров-  
ную службу, и просим, и молим, и мили ся  
деем (*т. е умоляем*): ниспосли Духа Твоего Свя-  
таго на ны и на предлежащая дары сия.

[Господи, иже Пресвятаго Твоего Духа в третий час  
апостолом Твоим ниспославый, Того, Благий, не отыми  
от нас, но обнови нас, молящих ти ся.

Сердце чисто созижди во мне, Боже, и Дух прав обнови  
во утробе моей.

Господи, иже Пресвятаго Твоего Духа...

Не отвержи мене от лица Твоего, и Духа Твоего Святаго  
не отыми от мене.

Господи, иже Пресвятаго Твоего Духа...]

*Священник, благословляя хлеб:*

И сотвори убо хлеб сей — честное Тело Христа  
Твоего.

*Диакон (и все):*

Аминь.

*Священник, благословляя чашу:*

А еже в чаши сей — честную Кровь Христа  
Твоего.

*Диакон (и все):*

Аминь.

*Священник, благословляя и хлеб, и чашу:*

Преложив Духом Твоим Святым.

*Диакон (и все):*

Аминь. Аминь. Аминь.

*Священник:*

Якоже быти причащающимся во трезвение души, во оставление грехов, в приобщение Святаго Твоего Духа, во исполнение Царствия Небеснаго, в дерзновение еже к Тебе, не в суд или во осуждение. Еще приносим Ти словесную сию службу о иже в вере почивших праотцев, отцев, патриарсех, пророцех, апостолах, проповедницех, евангелистех, мученицех, исповедницех, воздержницех и о всяком душе праведнем, в вере скончавшемся.

*Возглас:*

Изрядно о Пресвятей, Пречистой, Преподобнословенней, Славней Владычице нашей Богородице и Приснодеве Марии.

*Хор:*

Достойно есть яко воистину блажити Тя, Богородицу: Присноблаженную и Пренепорочную

и Матерь Бога нашего, честнейшую Херувим и славнейшую без сравнения Серафим, без истления Бога-Слово рождшую, сущую Богородицу, Тя величаем.

*В Дванадцатые праздники этот гимн заменяется иным, также посвященным Богородице. В Пасхальный период:*

Ангел вопияше Благодатней: «Чистая Дево, радуйся! И паки реку: радуйся! Твой Сын воскрес тридневен от гроба и мертвыя воздвигнувый; людие, веселитесь!»

Светися, светися, новый Иерусалиме, слава бо Господня на тебе возсия. Ликуй ныне и веселися, Сионе; Ты же, Чистая, красуйся, Богородице, о востании Рождества Твоего.

*Священник:*

О святем Иоанне пророце, Предтечи и Крестителе, о святых славных и всехвальных апостолах, о святых [имена], ихже и память совершаем, и о всех святых Твоих, ихже молитвами посети нас, Боже.

И помяни всех усопших о надежди воскресения жизни вечныя.

*Здесь поминаются усопшие.*

И упокой их, идеже присещает свет лица Твоего. Еще молим Тя, помяни, Господи, всякое епископство православных, право правящих слово Твоя истины, всякое пресвитерство, во Христе диаконство и всякий священнический чин. Еще приносим Ти словесную сию службу о вселенной, о святей соборней и апостольстей



Церкви, о иже в чистоте и честнем жительстве пребывающих; о богохранимей стране нашей, властех и воинстве ея. Дажь им, Господи, мирное правление, да и мы в тишине их тихое и безмолвное житие поживем во всяком благочестии и чистоте.

В первых помяни, Господи, великаго господина и отца нашего [имя], святейшаго Патриарха Московскаго и всея Руси, и господина нашего высокопреосвященнейшаго [имя], митрополита Санкт-Петербургскаго и Ладожскаго, ихже даруй святым Твоим церквам в мире, целых, честных, здравых, долгоденствующих, право правящих Слово Твоя истины.

*Хор:*

И всех, и вся.

*Священник:*

Помяни, Господи, град сей, в немже живем, и всякий град и страну и верою живущих в них. Помяни, Господи, плавающих, путешествующих, недугующих, страждущих, плененных и спасение их. Помяни, Господи, плодоносящих и добротворящих во святых Твоих церквах и поминающих убогия, и на вся ны милости Твоя ниспосли.

*Возглас:*

И даждь нам единеми усты и едином сердцем славити и воспевати пречестное и велико-лепое имя Твое, Отца, и Сына, и Святаго Духа, ныне и присно, и во веки веков.

*Хор:*

Аминь.

*Священник:*

И да будут милости великаго Бога и Спаса нашего Иисуса Христа со всеми вами.

*Хор:*

И со духом твоим.

## **ПРОСИТЕЛЬНАЯ ЕКТЕНИЯ**

*Диакон:*

Вся святыя помянувшe, паки и паки миром  
Господу помолимся.

*Хор:*

Господи, помилуй (*после каждого прошения*).

О принесенных и освященных Честных Дарех  
Господу помолимся.

Яко да человеколюбец Бог наш, приемь я во святый и пренебесный и мысленный Свой жертвенник, в воню благоухания духовнаго, возниспослет нам Божественную благодать и дар Святаго Духа, помолимся.

О избавитися нам от всякия скорби, гнева и нужды Господу помолимся.

Заступи, спаси, помилуй и сохрани нас, Боже,  
Твоею благодатию.

Дне всего совершенна, свята, мирна и безгрешна  
у Господа просим.

*Хор:*

Подай, Господи (*после каждого прошения*).

Ангела мирна, верна наставника, хранителя душ  
и телес наших у Господа просим.

Прощения и оставления грехов и прегрешений  
наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболезненны, непостыдны, мирны, и доброго ответа на страшнем судищи Христове просим.

Соединение веры и причастие Святаго Духа испросивше, сами себе, и друг друга, и весь живот наш Христу Богу предадим.

*Хор:*

Тебе, Господи.

*Священник:*

Тебе предлагаем живот наш весь и надежду, Владыко Человеколюбче, и просим, и молим, и мили ся деем: сподоби нас причаститися небесных Твоих и страшных Таин, сея Священныя и Духовныя Трапезы, с чистою совестью, во оставление грехов, в прощение согрешений, во общение Духа Святаго, в наследие Царствия Небеснаго, в дерзновение еже к Тебе, не в суд или во осуждение.

*Возглас:*

И сподоби нас, Владыко, со дерзновением, неосужденно смети призывати Тебе, Небеснаго Бога Отца (*т. е. называть Тебя, Небеснаго Бога, Отцом*), и глаголати:

*Все:*

Отче наш, иже еси на небесех, да святится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги

наша, якоже и мы оставляем должником нашим; и не введи нас во искушение, но избави нас от лукаваго.

*Священник:*

Яко Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

*Хор:*

Аминь.

*Священник:*

Мир всем.

*Хор:*

И духови твоему.

*Диакон:*

Главы ваша Господеви приклоните.

*Хор:*

Тебе, Господи.

*Священник:*

Благодарим Тя, Царю невидимый, Иже неисчетною Твоею силою вся содетельствовал еси и множеством милости Твоея от небытия в бытие вся привел еси. Сам, Владыко, с небесе призри на подклоншия Тебе главы своя; не бо подклониша плоти и крови, но Тебе, страшному Богу. Ты убо, Владыко, подлежащая всем нам во благое изравняй, по коегождо своей потребе: плавающим сплавай, путешествующим спутешествуй, недугующия исцели, Врачу душ и телес.

*Или (из Литургии свт. Василия Великого):*

Владыко Господи, Отче щедрот и Боже всякаго утешения, приклоньших Тебе своя главы

благослови, освяти, соблюди, укрепи, утверди, от всякаго дела лукаваго отстави, всякому же делу благому сочetaй и сподоби неосужденно причаститися пречистых Сих и животворящих Твоих Таин, во оставление грехов, в Духа Святаго причастие.

*Возглас:*

Благодатию, и щедротами, и человеколюбием Единороднаго Сына Твоего, с Нимже благословен еси, со Пресвятым, и Благим, и Животворящим Твоим Духом, ныне и присно, и во веки веков.

*Хор:*

Аминь.

*Священник:*

Вонми, Господи Иисусе Христе, Боже наш, от святаго жилища Твоего и от престола славы Царствия Твоего и прииди, во еже освятити нас, Иже горе со Отцем седяй и zde нам невидимо спребываяй. И сподоби державною Твоею рукою преподати нам Пречистое Тело Твое и Честную Кровь, и нам, и всем людем.

*Диакон:*

Вонмем.

*Священник:*

Святая святым! (т. е. Святые Дары, Причастие — святым, т. е. присутствующим верным).

*Хор:*

Един свят, един Господь, Иисус Христос, во славу Бога Отца.

Аминь.

## ПРИЧАСТНЫЙ СТИХ

Поется причастный стих дня или праздника.

По воскресеньям:

Хвалите Господа с небес, хвалите Его  
в вышних. (Пс 148:1) Аллилуиа.

Далее хор может петь псалмы или иные гимны, например  
праздника.

## ПРИЧАЩЕНИЕ

### МОЛИТВА ПЕРЕД ПРИЧАЩЕНИЕМ

Верую, Господи, и исповедую, яко Ты еси во-  
истину Христос, Сын Бога живаго, пришедый  
в мир грешныя спасти, от нихже первый есмь  
аз. Еще верую, яко сие есть самое пречистое  
Тело Твое, и сия есть самая честная Кровь Твоя.  
Молюся убо Тебе: помилуй мя и прости ми  
прегрешения моя вольная и невольная, яже  
словом, яже делом, яже ведением и неведени-  
ем; и сподоби мя неосужденно причаститься  
пречистых Твоих Таинств, во оставление гре-  
хов и в жизнь вечную. Аминь.

Вечери Твоя тайныя днесь, Сыне Божий, при-  
частника мя приими; не бо врагом Твоим  
тайну повем, ни лобзания Ти дам, яко Иуда,  
но яко разбойник исповедаю Тя: Помяни мя,  
Господи, во Царствии Твоем.

Да не в суд или во осуждение будет мне причаще-  
ние Святых Твоих Тайн, Господи, но во исце-  
ление души и тела.

*Диакон обращается к людям:*

Со страхом Божиим и верою приступите.

*Хор:*

Благословен Грядый во имя Господне, Бог Господь, и явился нам.

*Во время причащения хор поет:*

Тело Христово примите, Источника бессмертного вкусите.

*По причащении:*

Аллилуиа (трижды).

*Священник погружает в чашу частицы с дискоса, читая:*

Воскресение Христово видевше, поклонимся святому Господу Иисусу, единому безгрешному. Кресту Твоему поклоняемся, Христе, и святое воскресение Твое поем и славим, Ты бо еси Бог наш, разве Тебе иного не знаем, имя Твое именуем. Приидите, вси вернии, поклонимся святому Христову воскресению: се бо прииде Крестом радость всему миру. Всегда благословяще Господа, поем воскресение Его, распятие бо претерпев, смертью смерть разруши.

Светися, светися, новый Иерусалиме, слава бо Господня на Тебе возсия. Ликуй ныне и веселися, Сионе; Ты же, Чистая, красуйся, Богородице, о востании Рождества Твоего.

О Пасха велия и священнейшая, Христе! О Мудросте, и Слове Божий, и Сило! Подавай нам истее Тебе причащатися в невечернем дни Царствия Твоего.

Отмый, Господи, грехи поминавшихся зде Кровию Твоею Честною, молитвами святых Твоих.

*И благословляя людей, священник возглашает:*

Спаси, Боже, люди Твоя и благослови достоинство Твое.

*Хор:*

Видехом Свет истинный, прияхом Духа  
Небеснаго, обретохом веру истинную; не-  
раздельней Троице поклоняемся: Та бо нас  
спасла есть.

*В Пасхальный период вместо «Видехом Свет истинный»  
поется «Христос Воскресе», а в праздник и поспраждество  
Вознесения Господня — тропарь Вознесения.*

*Священник, взяв чашу:*

Благословен Бог наш.

*И обратясь к народу:*

Всегда, ныне и присно, и во веки веков.

*Хор:*

Аминь. Да исполнятся уста наша хваления  
Твоего, Господи, яко да поем славу Твою;  
яко сподобил еси нас причаститися святым  
Твоим, Божественным, безсмертным и жи-  
вотворящим тайнам: соблюди нас во Твоей  
святыни, весь день поучатися правде Твоей.  
Аллилуиа, аллилуиа, аллилуиа.

## **ЕКТЕНИЯ И МОЛИТВА ПО ПРИЧАЩЕНИИ**

*Диакон:*

Прости! Приимше Божественных, святых,  
пречистых, безсмертных, небесных и живот-  
ворящих, страшных Христовых Тайн, достой-  
но благодарим Господа.



*Хор:*

Господи, помилуй (или: *Слава Тебе, Господи, слава Тебе*).

Заступи, спаси, помилуй и сохрани нас, Боже,  
Твоею благодатию.

День весь совершен, свят, мирен и безгрешен  
испросивше, сами себе, и друг друга, и весь  
живот наш Христу Богу предадим.

*Хор:*

Тебе, Господи.

*Священник:*

Благодарим Тя, Владыко Человеколюбче,  
благодетелю душ наших, яко и в настоящий  
день сподобил еси нас небесных Твоих и  
бессмертных Таинств. Исправи наш путь,  
утверди ны во страхе Твоем вся, соблюди  
наш живот, утверди наша стопы, молитвами  
и молениями славных Богородицы и Присно-  
девы Марии и всех святых Твоих.

*Возглас:*

Яко Ты еси освящение наше,  
и Тебе славу возсылаем, Отцу, и Сыну,  
и Святому Духу, ныне и присно,  
и во веки веков.

*Хор:*

Аминь.

*Священник:*

С миром изыдем.

*Хор:*

О имени Господни.

*Диакон:*

Господу помолимся.

*Хор:*

Господи, помилуй.

### **ЗААМВОННАЯ МОЛИТВА**

*Священник:*

Благословляяй благословящия Тя, Господи, и освящай на Тя уповающия, спаси люди Твоя и благослови достояние Твое; исполнение Церкви Твоея сохрани, освяти любящия благолепие дому Твоего: Ты тех воспрослави Божественною Твоею силою и не остави нас, уповающих на Тя.

Мир миру Твоему даруй, церквам Твоим, священником, воинству и всем людям Твоим. Яко всякое даяние благо, и всяк дар совершен свыше есть, сходяй от Тебе, Отца светов; и Тебе славу, и благодарение, и поклонение возсылаем, Отцу, и Сыну, и Святому Духу, ныне и присно, и во веки веков.

*Хор:*

Аминь. Буди имя Господне благословено отныне и до века (трижды).

### **МОЛИТВА ПЕРЕД ПОТРЕБЛЕНИЕМ СВЯТЫХ ДАРОВ**

Исполнение закона и пророков Сам Сый, Христе Боже наш, исполни радости и веселия сердца наша, всегда, ныне и присно, и во веки веков. Аминь.

## ЗАКЛЮЧИТЕЛЬНОЕ БЛАГОСЛОВЕНИЕ И ОТПУСТ

*Священник:*

Благословение Господне на вас, Того благодатию и человеколюбием, всегда, ныне и присно, и во веки веков.

*Хор:*

Аминь.

*Священник:*

Слава Тебе, Христе Боже, упование наше, слава Тебе.

*Хор:*

Слава Отцу, и Сыну, и Святому Духу, и ныне и присно, и во веки веков. Аминь. Господи, помилуй (трижды). Благослови.

*Священник:*

[Воскресый из мертвых] Христос, истинный Бог наш, молитвами Пречистыя Своея Матере, святых славных и всехвальных Апостол, иже во святых отца нашего Иоанна, архиепископа Константина града, Златоустаго, [и святых храма, дня и местно чтимых], и всех святых, помилует и спасет нас, яко благ и человеколюбец.

*Хор:*

Великаго господина и отца нашего [имя], святейшаго Патриарха Московскаго и всея Руси, и господина нашего высокопреосвященнейшаго [имя], митрополита Санкт-Петербургскаго и Ладожскаго, богохранимую страну нашу Российскую, настоятеля и братию святаго храма сего и вся православныя христианы, Господи, сохрани их на многая лета.